

月令通攷卷之五

潁人盧翰子羽纂

同邑王道增益甫閱

元嗣晉伯進訂

四月

天道

孟夏之月日在畢昏翼中旦婺女中

畢宿在申實沈之次

其日丙丁其帝炎帝其神祝融

炎帝大庭氏即神農也赤精之君祝融顓頊之子  
名黎火官之臣

其蟲羽其音律中中呂其數七其味苦其臭焦其祀  
竈祭先肺

羽音飛鳥之屬徵音屬火中呂巳律長六寸萬九  
千六百八十三分寸之萬二千九百七十四地二  
生火天七者火之成數也苦焦皆火屬夏祭竈火  
之養人者也祭先肺火克金也竈夏為太陽其氣  
長養祀竈之禮在廟門外之東先席于門與面東  
設主于竈陘也

蝼蝈鳴蚯蚓出王瓜生

蝼蝈亦名螻蛄此蟲聲怒立夏後當夏氣之盛至  
夜則鳴其聲如蚯蚓今人謂之土狗者是矣蚯蚓  
土精無心之蟲與阜螽交其為物不息引而後伸  
一名土龍善良吟於地中江東謂之歌女又曰鳴  
砌又一種白項是其老者蚯蚓陰物感正陽之氣  
而出蝼蝈鳴則陰而伏者乘陽而鳴也蚯蚓出則  
陰而屈者乘陽而伸也王瓜未詳

苦菜秀靡草死麥秋至

苦菜葉如苦苣更狹綠色差淡斷之有白乳汁出  
花黃與野菊相似春夏皆旋開生於寒秋經春歷  
冬至夏乃秀秀者成也味苦感火之味而成也生

出谷中四方皆有在地道則冬方凋斃生南方則  
冬夏常青此草凌冬不凋故一名游冬靡草草之  
枝葉靡細者陰類也陽感則死四陽之月至陰之  
草不勝陽故死也今按靡草薺葶之屬是也此  
草至夏則枯死葶生藁城平澤及田野今陝西  
河北州郡皆有之曹州者尤勝初春生苗葉高六  
七寸有似薺根白枝莖俱青三月開花微黃結角  
子扁小如黍粒微長黃色立夏後採實暴乾薺水  
菜冬水生夏土而死其枝葉細靡亦謂之靡草秋  
者百穀成熟之期此於時雖夏於麥則秋矣故云

麥秋至大曰麩小曰麥秋八月時種冬長春秀至  
夏乃實而熟具四時中和之氣故為五穀之貴麥  
金也金王而生火王而死蓋火克金也

四月昴則見初昏南門正鳴札囿有見杏鳴蜮夏小  
正  
南門星也一歲兩見札鳥鳴寧縣也囿者山之燕  
鳴蜮蜮也

立夏之日螻蝻鳴又五日蚯蚓出又五日王瓜生汲  
冢

周  
書

立建也夏設也大也孟夏乃四陽之月陰德用事  
和氣皆暢萬物長養假大乃四月之節也螻蝻蚯

月令通考 卷之五 三

小滿之日苦菜秀又五日靡草死又五日麥秋至

謂之小滿乃四月之中氣也苦菜以下解見月令

穀雨後十五日斗指戌東南維為立夏後十五斗指

巳以為小滿易通統圖

穀雨後加十五日斗指常羊之維則春分盡而立夏

大風濟音比夾鍾加十五日指巳則小滿音比太簇

淮南子立夏日日在胃十三度日入酉正三刻後三日日出

子

卯初一刻晝五十六刻夜四十四刻小滿日在畢初

度後十日日入酉正四刻日出卯初初刻後九日日

纏實沈之次入申畢七度晝五十八刻夜四十二刻

立夏四月

節日出入

并晝夜

長短之圖

雲行雨施品物流形易

此釋乾之亨也乾四月之卦

四月秀萋詩

四月秀萋詩

四月秀萋詩




中呂巳之氣也四月建焉而辰在實沈周禮注

治法

天子居明堂左簡乘朱路駕赤駟載赤旂衣朱衣服赤玉食菽與鷄其器高以粗

明堂左簡太寢南堂東偏也駟馬名色淺者赤色深者赤用器高而粗大象物之盛長也易曰豐大也王假之尚大也

孟夏天子居所明堂圖



是月也以立夏先立夏三日太史謁之天子曰某日立夏盛德在火天子乃齊立夏之日天子親帥三公九卿大夫以迎夏於南郊還反行賞封諸侯慶賜遂行無不欣說

迎夏南郊祭炎帝祝融也

乃命樂師習合禮樂

以將飲酎故也

命太尉贊桀俊遂賢良舉長大行爵出祿必當其位太尉秦官也桀俊以才言贊則引而升之之謂賢良以德言遂謂使之得行其志也長大以力言執

枝論力舉謂選而用之也當其位者爵必當有德之位祿必當有功之位也

是月也繼長增高母有壞墮母起土功毋蕝大衆毋伐大樹

長者繼之而使益長高者增之而使益高人終天地之功者此也壞墮則傷已成之氣起土功發大衆皆妨蚕農之事伐樹則傷條達之氣故禁止之是月也天子始絺

絺葛布之細者絺涼而可以禦暑之始也故言始絺

命野虞出行田原為天子勞農勸民毋或失時  
野虞外官也故出行田原失時謂失農時

命司徒循行縣鄙命農勉作毋休于都

司徒內官也故巡行縣鄙勉其興作於田野之內  
禁其休息于都邑之間皆恐其失農時也

是月也驅獸毋害五穀毋大田獵

夏獵曰苗正為驅獸之害禾苗者耳與三時之大  
獵自不同

農乃登麥天子乃以彘嘗先薦寢廟

登升之於陽也

是月也聚畜百藥斷薄刑決小罪出輕繫

聚藥為醫事也刑之薄者罪之小者與有輕罪而  
在繫者即當聽斷決遣而縱出之也

蠶事畢后妃獻繭乃收繭稅以桑為均貴賤長幼如  
一以給郊廟之服

后妃獻繭謂后妃受內命婦之獻繭也收繭稅者

外命婦養蠶亦用國北近郊之公桑近郊之稅十

一故亦稅其繭十之一其餘入已而為其夫造祭

服受桑多則稅繭多少則稅亦少皆以桑為均齊

也貴謂卿大夫之妻賤謂士妻長幼婦之老少也



如一皆稅十一也郊廟之服天子祭服也  
是月也天子飲耐用禮樂

重釀之酒名之曰酎稠醲之義也春而造至此始  
成用禮樂而飲之蓋盛會也

王負莠取茶執陟攻駒夏小正

茶也者以為君薦執者離之去母執而升之君也  
攻駒教之服車數舍之也

夏求雨令縣邑以水日家人祀竈

火氣長聖人以明長幼三墳

孟夏大雩帝禱祠山川古之卿士有益于人者以祈

### 穀實

夏四月川澤不入網罟以成魚鱉之長且以并農力

執男女之功周禮

孟夏出輕繫周禮

孟夏王初祈禱于宗廟乃嘗麥於太祖汲冢周書

孟夏之月南宮御女赤色赤衣吹竽笙淮南子

鳥獸成水蟲孕水虞於是乎禁置麗設罝魯語

罝麗小網也罝鄂所以誤獸謂立夏鳥獸已成水

蟲懷孕之時禁魚鼈之網設取獸之物也

京師孟夏以後旱則先祈嶽鎮海瀆及諸山川能興

雲雨者皆于北效祭通典

建巳月雩五方上帝其壇名曰雩榮於南郊之傍命

樂正習盛樂舞皇舞通典

春官大宗伯以赤璋禮南方

禮南方以立夏謂赤精之帝而炎帝祝融食焉半

珪曰璋象夏物半死

### 地利

孟夏之昔殺三葉而獲大麥呂覽

昔終也三葉薺亭厯薪莫也是月之季枯死大麥  
熟而可獲

立夏後種早稻即黃秈也出自占城又謂之占城稻  
其性耐早早種早熟六十日即可獲田之高者宜種  
之埤雅

種大豆鋤成行壟春穴下種宜立夏前地不宜肥有  
草則削去早者謂之梅豆二月種四月可食

種菜豆宜四月種法與大豆同

種紅豆種有紅白立夏前種六月收子收來便種再  
生八月又收子一年兩熟

種芝蔴宜肥地四月望前種每畝用子一升望後種  
者多莢白者多油五月亦可種

種駱蔴地宜肥濕早者四月種遲者六月亦可繁密

處芟去則長以上見便

杆插木香茶藤

栽種椒松紫蘇宜立夏前十日晚黃瓜葵蓮宜立夏前三日

栽蓮以牛糞壤地立夏前三二日掘藕取根節頭着

泥中種之當年即開畏桐油以上俱山居四要

防露傷麥但有沙霧則榮麻散銓長繩上侵晨令雨

人對持其繩於麥上牽拽抹去沙霧則不傷麥農桑撮要

四月棘葉生棘性暖養華之法以棘數枝置華叢上

可以避霜護其華牙

收麥麥黃熟時趁天晴着緊收割蓋五月農忙無如

蠶麥諺云收麥如救火若遲慢恐值雨災傷

茨菰預於腊月間折取嫩芽插於水田來年四月盡

如插秧法種之每科離尺四許田最宜肥便民纂要

鬱金香生大秦國花如紅藍四月採之其香十二葉

為百草之英魏略

慈竹筍四月生江南人多以灰煮食之其為竹肉實

而節踈性弱而可代藤其形緊而細笋譜

胡荻先將子捍開四月五月七月晦日晚宜種宜濕

地以灰覆之水澆則易長

豆芽菜揀菜豆水浸二宿候漲以新水淘控乾用蘆席洒濕襯地搽豆于上以濕草薦覆之其芽自長

民用

四月丁巳日祀竈百倍竈者老婦之祭盛於盆尊於瓶乃老婦先炊噐也祭竈以祭先炊也竈墜即今之竈門安柴處

按孟夏之月其祀竈祭先肺乃五祀之一大夫以上祭之非老婦之祭也或謂正月己丑日白鷄祀竈宜蚕蚕乃婦事故曰老婦之祭

孟夏祀竈神每月晦日上天言人罪狀大者奪紀小

者奪筭

紀者三百日也竈馬狀如促織穴於竈側俗謂竈馬見足食之兆

四月八月宜取枸杞菜煎湯沐浴

是月甲子日將蠶沙三斗埋亥地宜蠶

收書於未梅雨前晒極燥頓櫥中厚以紙糊門及大小縫令不通風即不蒸古人藏書多用芸香辟蠹即今之七里香是也麝香亦可辟蠹獐腦又佳

收畫未梅雨前晒晾令燥緊捲入匣厚以紙糊縫過梅月方開則不蒸匣須用揪梓杉杪之類內不用漆

辟蚊虫用鰻鱧魚乾於室中燒之皆化為水以上便民纂要

是月伐木不蛀

是月於魚池中納一神守

神守者鼈也養魚經曰鯉魚善飛神守善守

收藏絲綿大小麥乾甚蒿芥蘿蔔子芋魁以上山居四要

收茶凡茶嫩則益人粗則損人真者用箬烟燻過氣

味尤真茶譜

藏用火焙不可日晒入磁瓶密封口毋令潤氣得

侵

是月斫楮皮非此月而斫者多致楮死

做笋乾笋肉一百斤用鹽五升水一小桶候沸湧拗

出汁候乾旋添笋汁煮熟撈出壓之或用手揉在鍋

隔夜則黑熱晒則枯一日晒乾則硬火焙則不軟臨

食時取浸笋汁煮笋則有味

煮新笋以沸湯煮則易熟而脆味尤美若蕪者少入

薄荷煮則不蕪與猪羊肉同煮則不用薄荷

麥醋大麥一石取一斗細碎一斗完全先以細碎者

浸一宿次日蒸成飯用楮葉蓋合成黃子七日復以

全者浸一宿炊成飯以炊湯半鑊候温將黃子同釀

密封不密則生蛆過後七日即成醋

收諸色菜子斫倒就地晒打收之用餅錘盛貯標記  
名號收蜜蜂多在樹上古窠中及山中收取編荆圍  
兩頭泥封或甌壘小屋亦可只開一二小竅使通出  
入另開一小門泥封之時常開掃秋間花盡時昏冬  
月可食密脾餘者割取作密臘至春間掃如前窠前  
置一小盆盛水不令渴損春月有數箇蜂王當揀少  
壯便分為三二窠

蟲不蛀皮貨用芫花末摻之不蛀或以艾捲於皮貨  
內放於甕中泥封其甕或在花椒內捲收亦得農桑撮要  
一法用白布在靛礪染即提出勿用水滌晾乾包貂

風領暖耳等物不落毛

馮氏口談

洗蕉葛衣用清水揉梅葉洗之經夏不脆或用梅葉  
搗碎泡湯入磁盆內洗之忌用木器則黑

收杏子杏熟時收核至秋冬間敲取仁揀出山杏仁  
及雙仁有毒者去尖皮擣令極細收貯食用

用染坊淋退灰晒乾埋藏黃瓜茄子冬月可用

縲絲用小釜燃麓乾柴候水熱旋旋下繭火宜慢繭  
宜少多則煮過少然縲絲之訣惟在細圓勻緊使

無褊慢節核麓惡不勻

月錄

安槌蠶至再眠常須三箔中箔安蠶上下皆空置一

以障土氣一以防塵埃

論飼養蠶必晝夜飼頃數多則易老少則遲老初飼  
蟻宜細族切葉食盡即飼不拘頃數頭眠起晝夜可  
六頃至次日漸加停眠起散葉宜薄晝夜可飼四頃  
次日漸加大眠起散葉又宜簿晝夜可三頃次日加  
至七八頃若眠齊住食起齊投食眠起不齊而飼之  
者亦不齊又多損失每飼必勻葉薄處再摻箇陰雨  
天寒比及飼棄時光用乾葉柴或去葉稈草一把點  
火繞箔照過逼去寒濕濕之氣然後飼之則不生病  
停眠至大眠若見黃光便擡解住食候起齊慢飼葉  
如蠶青光正是蠶得食力急須勤餵飼

攝生

宜薄摻如蠶白光多是困饑尤宜細飼之猛則多傷  
如蠶青光正是蠶得食力急須勤餵飼

符用事也

內丹  
秘訣

乾六陽之卦斗杓建巳之月也陽氣極盛周遍宇內  
喻身中陽火圓滿而丹光發現出頭陽大數終則陰

初四日日未出時沐浴令人無訟

初七日沐浴令人大富

初八日取枸杞煎湯沐浴令人光輝不病耐老

初九日暮時沐浴令人長命

十八日宜拔白則黑

其日謂之天倉開日宜入山脩道

其日宜食補腎助肺之物調和胃氣無失其時夏三

月丁巳戊申巳巳丑未辰日宜煉丹

夏三月每朝空心喫小葱頭酒令血氣通暢

夏三月有患風毒脚氣者因腎虛而得人生命門屬

於右腎夏月腎氣衰絕若房色過度即傷元氣而損

壽宜戒之宜服補劑

夏三月宜用五枝湯澡浴訖以香粉付身能除瘡毒

踈風氣活血脉其桑槐楮柳桃枝各一握麻葉二斤

右件六味以水一石煎至八斗許去滓溫浴一日一

次其傅身香粉方粟米一斤作粉如無粟米以蛤粉

代之青木香麻黃根附子炮裂甘松藿香零零香牲

獮已上各一兩右件八味杵羅為末以生絹袋盛之

浴畢傅身

其月為乾生氣在卯死氣在酉萬物以成天地化生

勿冒極勿大乾勿暴怒

勿暴露星宿皆成疾

勿露卧令皮膚厚成癬或成面風凡卧欲得頭向東

有所利益



勿食雞肉及拖雞肉恐生肉疽在胷腋間男子敗陽  
女人絕孕能生虛勞之氣勿食蛇蟻肉損神害氣勿  
食生蒜傷人神損膽氣

勿食諸心勿令飲酒大醉

勿枕冷器鐵石等物令人眼暗

其月不得入房避陰陽純用事之月也夫婦戒容止  
犯者減壽朔望日各減十年晦日減一年上下弦各  
減五年庚申甲子本命減二年

初八日萬神善化犯之失瘖

其夜善惡童子降犯者血死

二十八日人神在陰切宜戒之

立夏至九月勿食隔夜湯水肉菜等物生惡瘡

隔宿水洗面漱口損神

其月勿食胡葱令人氣喘多驚

初八日不宜遠行宜安心靜念沐浴齋戒必得福壽  
夏三月宜晚眠早起感天地之精氣令人壽宜忌暴  
怒則氣不得泄若多怒則傷秋為瘧疾

冬至日糕每留一二片懸於樑上立夏日取水浸煮  
令軟分家衆食之一夏不致冒暑

四月十五日桴小浮萍一兩麻黃去根桂心附子炮

去臍皮各半兩四物搗為末每一兩水一鍾半入生  
姜二片葱頭二根煎至八分和粗熟服衣蓋取汗治  
時行熱病此神效之方

摘白初二十六十八十九

夏初林筍盛時掃葉就竹邊煨熟其味甚鮮名傍林  
鮮

立夏日服六癸六壬符或服水飛霜散暑不能侵

木瓜善療轉筋人轉筋時但呼其名及書上作木瓜  
字輒愈

白殭蚕生潁川平澤今所在養蚕皆有之用自殭死

白色而條直者為佳四月取勿令中濕濕則有毒不  
可用用時仍去綿絲及子炒過醫家用治中風急喉  
痺欲死者擣篩細末生薑自然汁調灌之下喉立愈  
四月八日宜取枸杞菜煎湯沐浴

是月每朝空心飲葱頭酒令人血氣通暢

是月宜飲桑椹酒其方用椹汁三斗白密二合酥油  
一兩生薑汁一合以重湯煮椹汁至斗半少些方入  
鹽酥等令得所每服一合和酒服理百腫風

消吉

自立夏四月節後天道西行宜向西行宜脩造西方

月厭在未月殺在辰天德在辛月德在庚月合在乙  
月空在甲甲乙庚上宜修造取土大吉

立夏後太陽尚在酉從魁為天月將授時曆某日時  
刻日躔天梁之次宜用甲丙庚壬時小滿後某太陽  
始過申傳送為天月將授時曆某日時刻日躔實沈  
之次宜用甲丙庚壬時

日吉 月赦甲午 毋倉寅 天德合丙 月恩巳

日凶 爭雄子丑 財離未 離別丙辰 胎神在

亡羸丁卯

雜 三不返寅未 四虛敗甲子 往亡立夏後

宅龍占大

咸池午

忌 五不遇未

四窮丁亥

觸水龍丙子

伏龍占中

六不成巳

八風甲辰日

蛟龍申

九良星伍

反激戊辰

初一 初二龍禁

初三大空

初四天休

初五四方 初六赤

初七四不祥小空

初八龍會太

初九天地凶敗天 初十休廢天乙

十一大空

十二龍會太

十三 十四

十五小空

十六四不祥

十七龍會 十八赤

十九四不祥

二十龍禁

二十一 二十二龍禁

二十三小空

二十四赤

二十五

瘟星八短星凶敗

二十六

龍禁

二十七

大空

二十八

四不祥瘟星出

二十九

三十

赤口

甲子金危吉

天恩次吉月空活曜星

凶 黑道龍虎

監曆吉 大小歲後神在守日天馬兵吉不將

凶 五虛大吏天捧白虎

乙丑金成吉

天恩月德合上吉玉堂黃道天喜天鑿

三合神在

凶 火星歸忌罪至厭對

監曆吉 大小歲後金玉明星六儀

凶 招搖四擊臨日

丙寅火收吉

天德合母倉天恩敬心天岳明星

凶 天瘟黑道重喪約絞刀砧天罡

監曆吉 大小歲後五合七聖鳴吠對

丁卯火開吉

天恩顯星母倉普護次吉生炁

凶 黑道刀砧

監曆吉 大小歲後五合七聖神在時陽陰德鳴

吠對

凶 陰私玄武不舉

戊辰木開吉

天恩司命黃道吉慶星曲星福生天鑿

凶 月殺血支

監曆吉 大歲後小歲位陽德時德四相七聖神

在天府明星

凶 五虛月虛月殺

巳巳建木吉 月恩龍德

凶 黑道受死大敗六不成

監曆吉

庚午土除吉 青龍黃道月德上吉幽微星聖心吉期

凶 黑星

監曆吉 大歲後兵寶官日鳴吠

凶 咸池雷公大時大敗

辛未土滿吉 天德上吉明堂黃道傳星益天富

凶 月壓土瘟天賊飛廉九空焦坎天狗

監曆吉 大歲後執儲明星福德天巫神在

凶 大殺地火牢日

壬申金平吉 續世六合

凶 黑道游禍河魁約絞血忌地火四廢荒

蕪乙庚年十惡大敗

監曆吉 大歲後神在五富七聖相日上吉除神

癸酉金定吉 滿德星要安

凶 黑道天火死炁官符四廢

監曆吉 大歲後三合兵吉民日除神時陰上吉

七聖神在鳴吠

凶 五離天獄飛流朱雀

甲戌火執吉 金櫃黃道月空王堂次吉

凶 火星小耗地賊

監曆吉 大小歲前天寶明星七聖神在解神枝

德兵吉不將

乙亥火破吉 天倉月德合天德黃道金堂

凶 大耗

監曆吉 大小歲前天對明星驛馬天后七聖兵

吉不將

丙子水危吉 天德合次吉顯星活曜星天馬七聖

凶 黑道龍虎重喪致死五虛

監曆吉 大小歲前守日兵吉天願不將

凶 天吏七鳥天捧白虎

丁丑水成吉 天喜次吉曲星黃道天王明星天鑿三

合

凶 歸忌罪至

監曆吉 大小歲前六儀七聖神在

凶 招搖四擊臨日厭對

戊寅<sup>土</sup>收吉 天瑞母倉敬心天岳明星

凶 黑道天瘟天罡約絞刀砧

監曆吉 大小歲 五合四相

巳卯<sup>土</sup>開吉 天恩月恩天瑞天福母倉普護生悉神

在上吉五合

凶 黑道刀砧九醜玄武

監曆吉 大歲前陰德時陽四相

凶 地囊陰私不舉

庚辰<sup>金</sup>開吉 天恩月德上吉司命黃道吉慶星福生

傳星天鑿

凶 血支月殺

監曆吉 大歲前天府明星神在七聖時德陽德

凶 五虛月虛罪刑

辛巳<sup>金</sup>建吉 天恩天德天瑞天福上吉龍德

凶 受死黑道大敗六不成

壬午<sup>木</sup>除吉 天恩幽微星聖心青龍黃道神在上吉

凶 黑道四廢

監曆吉 大歲後吉期兵寶官日鳴吠

凶 咸池雷公大將大敗九醜復日

癸未木吉

天恩明堂黃道上吉益後天富

凶

月厭火星天賊土瘟四廢九空焦坎

監曆吉

太歲後福德執儲明星天巫

凶

觸水龍牢日

甲申水吉

月空續世六合

凶

黑道游禍河魁約絞血忌地火荒蕪

監曆吉

大歲後五富七聖相日神在上吉除神

乙酉水吉

月德合滿德星要安顯星

凶

黑道天火死炁官符朱雀

監曆吉

大歲前小歲對三合七聖民日兵吉月

丙戌土吉

天德合金櫃黃道次吉玉堂曲星

凶

重喪小耗地賊

監曆吉

大歲前小歲對天寶明星神在兵吉枝

德解神不將

凶

獄日臺司天賊

丁亥土吉

天倉天德黃道金堂

凶

大耗

監曆吉

大歲前小歲對天 明星驛馬天后兵

吉神在不將



戊子火危吉

活曜星

凶 黑道龍虎

監曆吉 大歲前天馬四相七聖兵吉守日不將

凶 天捧五虛天吏九醜

巳丑火成吉

天喜月恩天恩黃道傳星次吉

凶 歸忌罪至

監曆吉 大歲前天玉明星天鑿三合四相七聖

神在

凶 招搖四擊地囊臨日月厭

庚寅木收吉

天瑞月德母倉天福敬心天岳明星

凶 黑道天罡天瘟約絞刀砧

監曆吉 大歲前五合七聖鳴吠

辛卯木開吉

天德母倉天福普護生炁

凶 黑道刀砧

監曆吉 大歲位小歲前陰德時 七聖神在鳴

吠對

凶 九醜玄武不舉陰私

壬辰水閉吉

天福司命黃道吉慶星福生天鑿

凶 月殺火星血忌四廢

監曆吉 大歲位小歲前天府明星陽德時德

凶 血支五離五虛罪刑復日

癸巳木建吉 天福龍德

凶 黑道受死四廢大敗六不成

甲午金除吉 天赦月虛幽微星顯星聖心青龍黃道

次吉

凶 黑星

監曆吉 大歲位小歲對七聖神在官日吉期兵

寶鳴吠

凶 咸池雷公大時大敗

乙未金滿吉 天富月德合曲星明堂黃道益後

凶 月厭土瘟天賊飛廉九空焦坎天狗

監曆吉 大歲位小歲對福德神在天巫七聖執

儲明星

凶 天煞地火牢日

丙申火平吉 天德合續世六合

凶 黑道重喪游禍河魁約絞血忌地火荒

蕪

監曆吉 小歲前五富祇在除日

丁酉火定吉 滿德星次吉要安

凶 黑道天火死炁官符

監曆吉

大歲位小歲前三合神在兵吉時陰除神民日不將鳴吠

凶

天獄飛流五離

戊戌木執吉

金櫃黃道傳星玉堂

凶

小耗地賊

監曆吉

大歲位小歲對天寶明星四相七聖解神兵吉枝德

凶

臺司天賊

巳亥木破吉

天福天德黃道月恩金堂天倉

凶

大耗

監曆吉

大歲天對明星四相七聖驛馬天后兵吉

庚子土危吉

天福月德上吉活曜星

凶

黑道龍虎

監曆吉

大歲位天馬兵吉守日鳴吠對致死五虛天吏白虎天捧

辛丑土成吉

天德天福玉堂黃道上吉天喜

凶

火星歸忌罪至

監曆吉

大歲位三合六儀天巫天王明堂招搖四擊臨日厭對

凶

壬寅

收金

吉

天岳明星母倉敬心

凶

黑道天罡天瘟四廢約絞刀砧

監曆吉

大歲位五合七聖上吉

癸卯

開金

吉

普護母倉顯星生炁

凶

黑道四廢刀砧

監曆吉

大歲位陰德五合七聖時陽

凶

陰私玄武不舉

甲辰

開火

吉

天鑿月空司命黃道吉慶星福生曲星

次吉

凶

月殺血支

監曆吉

大歲位天府明星七聖上吉陽德時德

凶

五虛月虛月殺罪刑八風

乙巳

建火

吉

天福月德合龍德

凶

黑道受死大敗六不成

監曆吉

大歲位七聖神在兵福王日

丙午

除水

吉

天德合幽微星聖心青龍黃道

凶

黑道重喪

監曆吉

大歲對小歲後吉期神在官日兵寶上

吉鳴吠

凶

咸池雷公大時大敗

丁未水吉 天富明堂黃道傳星益後

凶 月厭土瘟天賊飛廉九空焦坎天狗

監曆吉 太歲對小歲後執儲明星神在福德天

巫

凶 大殺地火牢日八專

戊申土吉 續世六合

凶 黑道游禍河魁約絞地火血忌荒蕪

監曆吉 大歲對小歲後四相五富七聖神在相

日除神不將

巳酉土吉 天恩月恩滿德星要安

凶 黑道天火死炁官符

監曆吉 大歲對三合四相七聖神在上吉兵吉

民日時陰除神鳴吠

凶 九醜五離天獄朱雀飛流

庚戌金吉 天恩月德上吉金櫃黃道玉堂

凶 火星小耗地賊

監曆吉 大歲對天寶明星七聖神在兵吉解神

枝德

凶 臺司天賊獄日

辛亥金吉 天德天恩天德黃道金堂天倉

凶 大耗

監曆吉 大歲對天對明星驛馬天后兵吉

壬子危木吉 天恩天瑞活曜星顯星七聖

凶 黑道正四廢龍虎重喪

監曆吉 大歲位天馬兵日守日鳴吠對

凶 九醜天吏五虛天捧

癸丑成木吉 天恩曲星玉堂黃道天喜

凶 四廢歸忌罪至

監曆吉 大歲位天喜天王明星三合六儀七聖

凶 招搖四擊臨日厭對八專

甲寅收水吉 天岳明星月空母倉敬心

凶 天罡天瘟黑道刀砧約絞

監曆吉 大歲位五合七聖

乙卯開水吉 月德合母倉普護生炁

凶 黑道刀砧

監曆吉 大歲 五合七聖神在陰德時陽鳴吠

對

凶 九醜四耗不舉玄武陰私

丙辰閉土吉 天德合次吉司命黃道吉慶星福生傳

生天鑿

凶 月殺重喪血支

監曆吉 大歲 天府明星上吉神在陽德時德

凶 五虛月虛罪刑

丁巳建土吉 天福龍德

凶 黑道受死大敗六不成

監曆吉 大歲對小歲位神在王日兵福

戊午除火吉 青龍黃道幽微星聖心七聖神在

凶 黑星咸池

監曆吉 大歲對吉期官日兵寶四相

凶 雷公大時九醜

巳未滿火吉 天富月恩明堂黃道益後

凶 月厭火星土瘟天賊飛廉九空焦坎天

狗

監曆吉 大歲對執儲明星福德上吉七聖神在

天巫四相

凶 八專大殺地火牢日

庚申平木吉 天福月德續世六合天富

凶 黑道游禍河魁約絞地火血忌荒蕪

監曆吉 大歲對五富七聖上吉相日除神鳴吠

辛酉定木吉 天德滿德星顯星要安

凶 黑道天火死炁官符五離

監曆吉 大歲對三合七聖神在兵吉民日除神

時陰鳴吠

凶 天獄飛流九醜朱雀

壬戌水吉 金櫃黃道曲星王堂上吉

凶 小耗四廢地賊

監曆吉 大歲對天寶明星解神兵吉枝德

凶 臺司天賊復日獄日

癸亥水破吉 天倉天德黃道金堂

凶 正四廢大耗

監曆吉 大小歲後天對明星天后兵吉驛馬

五子危吉 祇神黃道天恩星活曜星守日兵吉人

馬天解五祥

凶 白虎黑道天驛黑星傍四慶天刑天災

天吏天地爭雄天地殃敗致死五虛龍

虎蛟龍火隔

五丑成吉 玉堂黃道神祇黃道天黃道天喜三合

太陰四相天王明星少微星天庫星天

成星

凶 天地爭雄招搖歸忌厭對死別罪至天



雄六不成山隔臨日

五寅收凶

按陰陽諸家曆法值天罡大凶百事忌用

五卯開吉

祇神黃道天祐星生氣正陽普護母倉時陽陽德

凶

陰私黑道玄武黑道大殺時傷地耗不舉人隔魯般殺披麻殺刀砧天狗太歲大雲不返

五辰閉吉

司命黃道天黃道吉慶星天慶星福生天醫天應明星祿庫星鳳輦星夏天德

四相天官星

凶

月虛月殺罪刑俠俾血支天雲不返蛟龍水隔

五巳建凶

按陰陽諸家曆法值月建百事大凶雖得吉神亦不可用一云宜封拜襲爵出行不忌

五午除吉

青龍黃道天黃道宮日聖心吉期祇神黃道天瑞星幽微星兵賓

凶

天雷黑星咸池章光天寡天喪天魔毛頭遊殺

五未滿吉

明堂黃道天黃道紫微星天福益後月  
材天坐執儲明星貴人星吉人星穴天  
狗四相

凶

九空空亡九焦九坎財離歲空斧頭殺  
天賊月厭大福中瘟地雄牢日

五申平凶

按陰陽諸家曆法值河魁大凶又值水  
消瓦陷百事忌用乙庚年壬申日係十  
惡大敗

五酉定吉

天厚星三合民日滿德星要安成勳兵  
吉神在朱雀黑道飛流黑道官符死炁

天火天殃六不成狼籍絕滅吟神五鬼  
小殺紅沙殺林隔

五戌執吉

金匱黃道天黃道祗神黃道玉堂四相  
支德天德星天寶明星天財星鑿斧星  
慶星解神兵吉

凶

小耗五盜獄日分骸四激地隔  
按陰陽諸家曆法值月破百事大凶雖  
得吉神亦不可用

五亥破凶

四

方



月

位

巳月天道西行百事向之吉去  
 在南及西小滿節九月后月將過  
 申位九良星在厨宅龍大門伏龍  
 堂此月宜下祭向首大吉月空在甲  
 利取土及藏胎衣安產室吉夏不南  
 黑游神夏后在震游廢杀立夏后  
 在寅胎神在竈牛黃在竈天狗頭  
 午天狗尾子天狗夏后在巽造  
 倉富貴飛廉在未死炁在西  
 已上二位并鶴神方忌取六畜

占候

孟夏行秋令則苦雨數來五穀不滋四鄰入保行冬  
 令則草木蚤枯復乃大水敗其城郭行春令則蝗虫  
 為灾暴風來格秀草不實月令

螻蝻不鳴水潦淫漫蚯蚓不出嬖奪后王瓜不生困

於百姓苦菜不秀賢人潜伏靡草不死國縱盜賊小

暑不至是謂陰慝

汲冢周書

四月失政十月不凍

淮南子

四月雷不見十月蟄蟲行

博雅

朔日值立夏主地動值小滿主凶災大風雨主大水

小則小水晴主旱又曰此日雨主有重種兩禾之患  
立夏日看日暈有則主水諺云一番暈添一番湖塘  
初八日看陰晴卜水旱最宜密雲不雨諺云四月八  
晴料棹高田好張鈞四月八晴寡鮎魚到竈下四月  
八烏澆禿不論上下一齊熟  
有夜雨損小麥新麵必致碎燥難為打切諺云小麥  
不怕神共魁只怕四月八夜雨老農云大抵立夏後  
夜雨多便損麥蓋麥花夜吐雨多則損其花故麥粒  
浮秕而薄收也

十四日晴主歲稔諺云有利無利但看四月十四黃

昏時日月對照主夏秋旱

十六日看月卜水早上旱無雲紅色主大旱遲而白  
色主水夜深主大水有雲主草多雲黑主有蟹諺云  
有穀無穀但看四月十六又云月上早低田收好稻  
月上遲高田剩者稀

小分龍日即二十日晴分懶龍主旱雨分健龍主水  
東南上下大熟西北風分白龍主大水東北風分青  
龍主小水

田家五行

欲知蠶善惡常以三月三日天陰而無日不見雨蠶

大善

雜五行書

其月月蝕人饑月無三卯麥不收

立夏日大晴其年必旱

文林廣記

東風谷雨 南風亢旱 北風魚鰕

家熟事親

初八日雨下則無麥十三日亦然

農桑撮要

立夏日巳時東南有青氣年豐如青氣不見歲多灾

萬寶全書

初八十九二十三日乃諸神會逢犬日午後三刻有

惡風初四日有雨主五穀貴初八日雨則其年必豐

稔而果實少

文林廣記

立夏日風東來雷電多南年豐歲安西來衆人不安

北來泉涌地動

四月日食大臣憂天下旱疫牛無食六畜死宋大凶

京房石氏武密陳卓之說

四月月無光大旱

四月月食饑

四月月蝕國大旱

東南巽風名曰清明風主立夏四十五日京房曰四

時暴風起東南方人多病洩痢乳婦暴病死

虹以立夏四十六日內出正南貫雖中火旱災麻不

收夏三月虹出西方有青雲覆之秋冬寒民病瘡赤

雲覆之秋旱黃雲覆之秋多大風黑雲覆之秋多雨  
虹以四五月出西方麥貴

四月雷不鳴上令不行不專政

四月雨電民不安秋禾傷臣專命

夏多雨雹民饑

夏星墜大兵起

常以立夏日夜觀老人星其星明朗即天下大稔大  
暗則不收半明小收

立夏日巳時東南有青氣年中大豐如青氣不見則

歲多灾在十月應之

文林廣記

夏甲子庚辰辛巳雷蝗死

月內日裏要暖夜裏要涼主少水諺云日暖夜寒東  
海也乾老農云大抵立夏後到夏至前皆不要熱熱  
則必有暴水有東南風退水謂之烏兒信宜麥諺云  
稻秀雨澆麥秀風搖杜詩云晴風生麥浪言景物之  
應候者也

田家五行

甲申至巳丑雨糴貴甲寅乙卯雨夏穀貴庚寅至癸

巳雨糴貴

四月朔風雨麥惡米貴晦朔大雨大蝗虫灾

四月虹見主米穀貴

以上文林廣記

四月月蝕穀荒人饑

是夜月當午立一丈竿量月影若過竿主雨水多沒田夏旱人饑長九尺主三時雨水八尺主六月雨水七尺主低田大熟高田半收五尺夏旱四尺主蝗三尺主人饑

迹往

魯僖公夏四月不雨者閔雨也閔雨者有志乎民者也

老成子學幻於尹文先能翻校四時夏造水

列子

漢惠帝出離宮叔孫通曰禮有春嘗菓方今櫻桃可

獻願 陛下出因取櫻桃獻宗廟諸侯獻菓此始

後漢明帝夏夜宴群臣大官進櫻桃以赤瑛盤賜群

臣月下觀之盤與櫻桃同色皆笑云是空盤

藝文類聚

荆楚人以四月八日諸寺各設齋以五色香水浴佛

共作龍華會

荆楚歲時記

永州元和七年夏多火災日夜數十發少尚五六發過三月乃止八年夏又如之民無安處老弱燔死晨不爨瞑不燭皆列坐屋上左右視罷不得休蓋類物之為者訛言相驚云有恠鳥莫實其狀山海經云章義之山有鳥如鶴一足赤文白喙其名曰畢方見則

其邑有譌火若今火者其可謂譌歟而又有恠鳥傳者其畢方歟遂邑中狀而圖之禳而除之為之文而逐之

柳宗元文

司馬溫公閑居西京一日令老兵賣所乘馬語云此馬夏月有肺病若售者先語之老兵竊笑其拙不知其用心也龐士元師事司馬德操不矜小名人莫知之德操蠶月躬採桑後園士元助之因與談世廢興其言若神遂移日忘飡德操于是異之

四月八日浴佛以都梁香為青色水鬱金香為赤色水丘隆香為白色水附子香為黃色水安息香為黑

色水以灌佛頂

高僧傳

蠻鄉兢渡預以四月八日下舡俗尚聚飲江岸舟子各招他客盛列飲饌以相誇大或獨酌食前方丈群蠻環覩如雲一年盛事名富貴坊

溪蠻叢笑

四月八日佛生日京師十大禪院各有浴佛齋會煎香藥糖水相遺名曰浴佛水

夢華錄

考言

四月惟夏運臻正陽和氣穆而扇物麥含露而飛芒清徵泛於琴瑟朱鳥感於炎荒鹿解角於中野草木蔚其條長

傅玄



悲炎節之赫羲覽祝融之御轡遊井耀兮南離晞辰  
凱之長吹蔭綠柳之楊枝雲鬱律以泉涌雨淋漓而  
方徒奮駭霆之奔磔舒驚電之橫擲  
季顥  
曉涼暮涼樹如蓋千山濃綠生雲外依微香雨青氛  
氲賦葉盤花照曲門金塘閑水搖碧漪老景沉重無  
驚飛墮紅殘萼暗參差  
李賀

朱明盛長敷與萬物敷華就實既阜既昌

漢郊祀歌

芙蓉始懷蓮何處覓同心俱生世尊前折楊柳捻香  
散名花志得長相取

古折楊柳歌

孟夏草木長遶屋樹扶疎衆鳥欣有託吾亦愛吾廬

既耕亦已種時還讀我書窮巷隔深轍頗迴故人車  
歡言酌春酒摘我園中蔬微雨從東來好風與之俱  
汎覽周王傳流觀山海圖俯仰終宇宙不樂復何如

陶潛

麥候始清和涼雨銷炎燠紅蓮搖弱荇丹藤繞新竹  
物色盈懷抱方駕娛耳目

謝朓

打麥打麥彭彭魄魄聲在山南應山北四月太陽出  
東北纔離海嶠麥尚青轉到天心麥已熟歇旦催人  
夜不眠竹鷄呼雨雲如墨大婦腰鎌出小婦具筐逐  
上瓏先將青下瓏已成束家以苦乃為樂敢憚頭枯

面焦黑貴人薦廟已嘗新酒醴雍容會所親曲終厭  
飲勞僮僕豈信田家未入唇盡將精好輸公賦次把  
升斗求市人麥秋正急又秧禾豐歲自少凶歲多田  
家辛苦可柰何將此打麥詞兼作插禾歌

南京犀浦道四月熟黃梅湛湛長江去冥冥細雨來  
茅茨疎易濕雲霧密難開竟日蛟龍喜盤渦與岸西

杜甫

悠悠雨初霽獨繞清溪曲引杖試荒泉解帶圍新竹  
沉吟亦何事寂寞固所欲幸此息營營嘯歌盡炎燠

柳宗元

漢家舊種明光殿炎帝還書本草經豈似滿朝承雨  
露共看傳賜出青冥香隨翠籠擎初到色映銀盤寫  
未停食罷自知未所報空然慙汗仰高扁 韓愈

衰年正苦病侵凌首夏何須氣鬱蒸太水淼茫炎海  
接竒峰碑兀火雲升思霑道暘黃梅雨敢望宮恩王  
井冰不是尚書期不顧山陰夜雪興初乘 毆陽修

未明先見海底日良久遠鷄方報晨古樹含風常帶  
雨寒巖四月始知春中天氣爽星河近下界時豐雷  
雨均前後登臨思無盡年年改換往來人 方千

望朝齋戒是尋常盡啟金根第畿章竹葉飲為甘露

色蓮花鮮作肉芝香松膏背雨凝雲磴丹粉經年染  
石床剩欲與君終此志頑僊唯恐髮成霜 顏暄  
絲樹陰濃夏日長樓臺倒影入池塘水精簾動微風  
起滿架薔薇一院香

高駢

荷葉初開笋漸抽東披南蕩正堪遊無端隴上修修  
麥橫起風寒占作秋

王安石

陂麥連雲慘淡黃綠陰門巷不多涼更無一片桃花  
在借問春歸有底忙

王安石

四月田家麥穗稠桑枝生蕙鳥啁啾鳳城綠樹知多  
少何處飛來黃栗留

歐陽修

四月江南黃鳥肥櫻桃滿市燦朝輝赤瑛盤裏雖殊  
遇何以筠籠相簇揮

陳去非

梅子金黃杏子肥麥花雪白菜花稀日長籬落無人  
過惟有蜻蜓蛺蝶飛

落絮濛濛立夏天樓前槐樹影初圓傳聞紫殿深深  
處別有薰風入舜絃

西清詩話

嘒嘒新蟬綠葉遮一轂臨晚到山家未應春色全歸  
去猶有芳叢刺史花

惠洪

地曠樓雄夏日宜碧梯芳樹繞花遲清歌不用邀明  
月一笑山河入酒卮

李夢陽

絲槐高柳咽新蟬薰風初入絃碧紗窗下水沉烟棊  
聲驚晝眠 微雨過小荷翻榴花開欲燃玉盆纖手  
弄清泉瓊珠碎又圓

柳陰庭館占風光呢喃清晝長碧波新漲小池塘雙  
雙蹴水忙 萍散漫絮飄揚輕盈體態狂為憐流去  
落紅香啣將歸畫梁

睡起流鶯語掩蒼苔房攏向曉亂紅無數吹盡殘花  
無人問惟有垂楊自舞漸暖霽初回輕暑寶扇重尋  
明月影暗塵侵尚有乘鸞女驚舊恨鎮如許 江南  
夢斷衡臯渚粘天蒲萄漲綠半空煙雨無恨樓前滄

波意誰採蘋花寄取但恨望蘭舟容與萬里雲帆何  
時到送孤鴻目斷千山阻誰為我唱金縷 葉夢得  
四月園林春去後深深密密幄陰初茂折得花枝猶在  
手香滿袖葉間梅子青如豆

四月麥穗如馬尾湯餅在眼紛可喜 徐師川  
滔滔孟夏草木莽莽 屈原

晴日煖風生麥氣綠陰幽草勝花時 王安石

長養春風拂曉吹漸開荷芰落薔薇 徐寅

麥天晨氣潤槐日午陰清 趙師民

擴聞

周成王時塗循國獻丹鵲一雄一雌孟夏取翅為翎  
一名條翮一名素影拾遺記

周昭王二十四年甲寅四月初八日中天竺國淨鉢  
王妃摩耶氏生太子悉達多三十五歲於菩提場中  
成無上道號曰佛世尊以周穆王五十二年二月十  
五日於拘尸那城娑羅雙樹間入涅槃大慧禪師浴  
佛上堂語云今朝正是四月八淨鉢王宮生悉達吐  
水九龍天外來捧足七蓮從地發佛遺統紀  
遵布衲四月八日洗佛藥山見云汝只洗得這箇還  
洗得那箇遵云請將那人來山遂默然密印禪師曰

藥山無風起波被遵布衲一靠直得鋒鋦結舌羅麼  
一場

劉敬宣見四月八日灌佛乃下金鏡為母灌象

錢塘西湖天僖中郡守故相王欽若奏請為放生池  
邦人歲以四月八日用釋氏法稱家有無隨願深淺  
買禽魚而放之謂為誦聖

遼四月八日京府及諸州各用木雕悉達太子一尊

城上昇行放僧尼道士庶民行城一日為樂歲時雜記

四月初八日謝太后壽崇節初九日度宗乾會節賈  
似道合黃蛻致語中一聯云神母聖子萬壽無疆亦

萬壽無疆昨日今朝一佛出世又一佛出世三朝野史

呂純陽演正警化真君諱巖字洞賓真元十四年十

四日降生

四月十五日乃僧家結夏之日天下僧尼此日就禪

刹掛搭謂之結夏又謂之結制蓋夏乃長養之節在

外行則恐傷草木蟲類故九十日安居至七月十五

日應禪寺掛搭僧尼盡皆散去謂之解夏又謂解制

釋死宗規

四月十五日坐樹下至七月十五日僧尼坐草為一

歲禪談語錄謂之法歲大藏經

晉侯夢大厲公覺召桑田至至曰不食新矣六月晉

侯欲麥使甸人獻麥饋人為之召桑田至云而殺之

將食張如廁陷而卒

周六月今四月麥始熟

高鳳專精讀書晝夜不息初夏暴麥于庭妻出至田

令鳳持竿護鷄時暴雨而鳳持竿讀書不覺水漂其

麥妻還乃悟白孔六帖

明崇儼有奇技唐高宗聞其人召見甚悅四月帝憶

瓜崇儼索百錢湏臾以瓜獻曰得之猴氏老人園中

帝召老人問故曰埋一瓜失之于土中得百錢

李揆初夏夜宿堂之前軒有巨狐鳴噪於庭人立而  
眺月光逆射夕逾垣而去揆甚惡及將曉入朝其日

正科

集異記

橫州出楓始生多有食葉之蟲似蠶而赤黑四月熟  
如蠶之將絲州人擘取其絲光明如琴絃海濱蠻人  
鬻之作釣緼

今江湘二浙四五月間梅欲黃落則水潤土溽柱礎  
皆汗蒸鬱成雨其霏如霧謂之梅雨

河朔人謂立夏雨為隔輒雨

退齋雅  
閑錄

月令通攷卷之五終

